



RESOLUCIÓN REITORAL SOBRE O RÉXIME XURÍDICO APLICABLE ÁS PRÁCTICAS EXTERNAS

Desde a entrada en vigor da Disposición adicional 52 do Texto Refundido da Lei Xeral da Seguridade Social, a realización das prácticas externas determina a inclusión do estudantado universitario no sistema da Seguridade Social. Porén, a aplicación da citada Disposición adicional non foi doada e precisou de sucesivas e variadas interpretacións por parte da Dirección Xeral de Ordenación da Seguridade Social do Ministerio de Inclusión, Seguridade Social e Migracións, que culminaron coa publicación o 6 de marzo de 2024 do *“Criterio interpretativo 3/2024 de la Dirección general de ordenación de la seguridad social en el que refunde su criterio 11/2023, de 5 de julio, y sus sucesivas ampliaciones sobre aplicación de la Disposición adicional quincuagésima segunda del texto refundido de la Ley general de la seguridad social”*.

Os cambios de criterio que se sucederon nos últimos meses provocou no ámbito interno da UDC modificacións nos convenios de prácticas e a aprobación de addendas. Unha vez que o Ministerio optou por reunir nun único texto as sucesivas e cambiantes interpretacións, procede establecer o réxime xurídico aplicable á alta na Seguridade Social das prácticas externas, logo de recoller a información publicada polo Ministerio de Inclusión, Seguridade Social e Migracións.

Polo exposto, **RESOLVO:**

1º. Desde o 1 de xaneiro de 2024 o alumnado que realice prácticas externas, remuneradas ou non, debe estar incluído no sistema da Seguridade Social.

2º. Nas prácticas externas remuneradas, o cumprimento das obrigas coa Seguridade Social corresponderá á entidade ou organismo que financie o programa de formación, que asumirá a estes efectos a condición de empresario.

3º. Nas prácticas externas non remuneradas, o cumprimento das obrigas coa Seguridade Social será asumido pola UDC, salvo que se pacte expresamente outra cosa no convenio que se subscriba.

4º. Antes do 22 de marzo, os centros comunicarán ao Servizo de Organización Académica a relación de estudantes que teñan realizado ou estean realizando prácticas externas non remuneradas desde o 1 de xaneiro de 2024 sen a preceptiva alta na Seguridade Social, a efectos de regularizar a mesma antes do 31 de marzo.

O REITOR

Código Seguro De Verificación	ksA+Bom/MujD2DQpUCQ1mA==	Estado	Data e hora
Asinado Por	Reitor - Ricardo José Cao Abad	Asinado	18/03/2024 12:09:30
Observacións		Páxina	1/1
Url De Verificación	https://sede.udc.gal/services/validation/ksA+Bom/MujD2DQpUCQ1mA==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

